

歷代文讀本第六種

評註

周秦文讀

本

上海大東書局出版

評註 周秦文讀本

鄭伯侵陳 隱公六年

左傳

此文先紀事後加論
斷追述已往之事特書請成不許以見罪不在鄭而在陳也
長惡即指其拒諫言一引商害再引周任之言不獨借申己意亦深爲拒

五月庚申。鄭伯侵陳。大獲往歲。鄭伯請成於陳。陳侯不許。五父諫曰。親仁善鄰。國之寶也。君其許鄭。陳侯曰。宋衛實難。鄭何能爲。遂不許。君子曰。善不可失。惡不可長。其陳桓公之謂乎。長惡不悛。從自及也。雖欲救之。其將能乎。商書曰。惡之易也。如火之燎於原。不可鄉邇。其猶可撲滅。周任有言曰。爲國家者。見惡如農夫之務去草焉。芟夷蘊崇之。絕其本根。勿使能殖。則善者信矣。

音註

①【鄭伯】鄭、姬姓。伯爵。鄭伯、莊公也。②【侵】凡師有鐘鼓曰伐。無曰侵。輕曰

襲。③【陳】媯姓。周初封舜之後胡公於陳。今河南舊開封府以東地。④【請成】成。猶

平也。請求歸於和平。如今之議和也。⑤【五父】陳公子佗。⑥【難】可畏也。⑦【悛】

諫長惡者
垂戒耳

請見至入
見中間夾
入與鄉人
問答一段
作一小波
文勢不平
遠謀二字
隱射下文
詳載劇與
公問答語
見戰前之
遠謀
請從遙應
請見
此段紀戰
聲情如繪

音銓、止也、⑧【從】隨也、⑨【商書】盤庚篇、⑩【鄉】同嚮、⑪【周任】周大夫、⑫【芟夷】芟、刈也、夷、殺也、刪除之意、⑬【蘊崇】蘊、積也、崇、聚也、⑭【信】同伸、

曹劌論戰 莊公十年

左傳

齊師伐我公將戰曹劌請見其鄉人曰肉食者謀之又何間焉劌
曰肉食者鄙未能遠謀遂入見問何以戰公曰衣食所安弗敢專
也必以分人對曰小惠未徧民弗從也公曰犧牲玉帛弗敢加也
必以信對曰小信未孚神弗福也公曰小大之獄雖不能察必以
情對曰忠之屬也可以一戰戰則請從公與之乘戰於長勺公將
鼓之劌曰未可齊人三鼓劌曰可矣齊師敗績公將馳之劌曰未
可下視其轍登軾而望之劌曰可矣遂逐齊師既克公問其故對
曰夫戰勇氣也一鼓作氣再而衰三而竭彼竭我盈故克之夫大

兩日未可
兩日可矣
又見臨戰
時之遠謀
未用故克
故逐兩段
補出養士
氣審敵情
之用意章
法極穿插
回伏之妙

經言公會
齊侯是仍
魯史之舊
此言齊侯

國難測也。懼有伏焉。吾視其轍亂，望其旗靡，故逐之。

音註

①【齊】姜姓，周初封太公望於齊，當今山東省地。②【我】春秋爲魯史，我謂魯

也。③【公】莊公也。④【曹劌】魯人，史記作曹沫。⑤【肉食者】謂在位食祿之

人。⑥【間】即間廁之間，參與也。⑦【專】獨也。⑧【未徧】衣食所惠，不過左右，故

曰未徧。⑨【犧牲】犧，純色也，牲，牛羊豕屬，與玉帛同爲祭神之品。⑩【孚】大信

也。⑪【小大之獄三句】言大小之獄，雖不能詳審，然必求其實情以處理。⑫【與之

乘】謂與劌共乘兵車。⑬【長勺】魯地名。⑭【鼓】古時將戰則鳴鼓以作士氣。⑮

【敗績】師大奔曰敗績。⑯【轍】車輪之跡。⑰【軾】音式，車前橫木也。⑱【伏】伏

兵也。⑳【旗靡】言旗幟已倒也。

齊桓公伐楚盟屈完 僖公四年

左傳

春。齊侯以諸侯之師侵蔡。蔡潰，遂伐楚。楚子使與師言曰：君處北海，寡人處南海，唯是風馬牛不相及也，不虞君之涉吾地也，何故？

以諸侯之師是左氏文字重在齊之稱霸風馬牛兩句妙喻亦善於詞令者
管仲援王命作答義正詞嚴便見師出有名
問諸水濱冷語亦謹
敘師之一進一退正文之前後關鍵處

管仲對曰。昔召康公命我先君太公曰。五侯九伯。女實征之。以夾輔周室。賜我先君履。東至於海。西至於河。南至於穆陵。北至於無棣。爾貢包茅不入。王祭不共。無以縮酒。寡人是徵。昭王南征而不復。寡人是問。對曰。貢之不入。寡君之罪也。敢不共。給昭王之不復。君其問諸水濱。師進次於陘。夏。楚子使屈完如師。師退次於召陵。齊侯陳諸侯之師。與屈完乘而觀之。齊侯曰。豈不穀是爲。先君之好是繼。與不穀同好如何。對曰。君惠徼福於敝邑之社稷。辱收寡君。寡君之願也。齊侯曰。以此衆戰。誰能禦之。以此攻城。何城不克。對曰。君若以德綏諸侯。誰敢不服。君若以力。楚國方城以爲城。漢水以爲池。雖衆無所用之。屈完及諸侯盟。

屈完之對
一揚一抑
不亢不卑
是真能折
衝樽俎者
結句回應
篇首

音註

①【齊侯】桓公也，②【蔡】姬姓，周文王封王子叔度於蔡，即今河南汝南上蔡新蔡等縣，③【潰】兵敗也，④【楚】華姓，周成王封熊繹於楚，在今湖北秭歸縣，至春秋時，奄有今兩湖地，⑤【北海】亦名渤海，齊地，當今之山東省，故云，⑥【寡人】寡德之人，諸侯自稱之謙辭，⑦【南海】楚界未至南海，對於北海而言，謂相去甚遠，⑧【風馬牛】風，放也，謂馬牛風逸，牝牡相誘，蓋是末界之微事，喻兩不相干也，⑨【管仲】齊大夫，⑩【召康公】召公奭也，⑪【太公】太公望，齊始封之君，⑫【五侯九伯】五侯，謂公侯伯子男也，九伯，謂九州之伯，周制，每州以一侯爲牧，二伯佐之，⑬【女】與汝同，⑭【履】謂所踐履之界也，⑮【東至於海】謂盡樂安，北海之東界，⑯【西至於河】桓公之時，齊之西境，界在九河之最西徒駭河，⑰【穆陵】即穆陵關，在今湖北麻城縣北，當時齊境並未至其地，特自誇其賜履之遠，以駁其不虞君之涉吾地也，句耳，⑱【無棣】齊地名，在今山東無棣縣東，⑲【爾貢包茅不入】包，裹束也，茅，菁茅也，「書禹貢」「包匭菁茅」，責楚國不貢裹束之菁茅也，⑳【共】同供，㉑【縮酒】束茅立之祭前，而灌鬯酒於其上，㉒【徵】問也，㉓【昭王南征不復】昭王，周成王之孫，南巡狩涉漢，船壞而溺，㉔【次於陜】次，師止也，陜，音形，楚地名，㉕【屈完如

周秦文讀文

六

師】屈完楚大夫，使往齊師觀兵勢也，⑤【召陵】地名，今河南鄆城縣東，有召陵故
澤，⑥【乘】共載也，⑦【豈不穀是爲三句】不穀，諸侯謙稱，言諸侯之附從非爲己，乃
尋先君之好，因求與楚同好，⑧【徼】求也，⑨【綏】安撫也，⑩【方城二句】方城，山
名，在今河南葉縣南四十里，跨方城縣境，漢水，流貫今陝西南鄭安康，湖北鄖縣襄陽安
陸漢陽六縣之境，爲入江之大川，言其險固，以當城池，⑪【盟】謂殺牲歃血，告於神
明以結永好也。

燭之武退秦師

僖公三十年

左傳

先敘明圍
鄭之故爲
晉非爲秦
點明兩軍
駐地爲私
見秦伯伏
案

晉侯秦伯圍鄭。以其無禮於晉，且貳於楚也。晉軍函陵，秦軍汜南。
佚之狐言於鄭伯曰：「國危矣！若使燭之武見秦君，師必退。」公從之。
辭曰：「臣之壯也，猶不如人；今老矣，無能爲也已。」公曰：「吾不能早用
子，今急而求子，是寡人之過也。然鄭亡，子亦有不利焉。」許之。夜縋
而出，見秦伯曰：「秦晉圍鄭，鄭既知亡矣。若亡鄭而有益於君，敢以

越國鄙遠
一層是說
亡鄭之無
利鄰厚君
薄一層是
說亡鄭之
有害爲東
道主一層
是說不亡
鄭之有利
闕秦利晉
一層又說
亡鄭之有
大害語語
就秦之切
身利害言
何等透徹
宜乎聞者
心悅也

煩執事越國以鄙遠君知其難也焉用亡鄭以陪鄰鄰之厚君之
薄也若舍鄭以爲東道主行李之往來共其乏困君亦無所害且
君嘗爲晉君賜矣許君焦瑕朝濟而夕設版焉君之所知也夫晉
何厭之有既東封鄭又欲肆其西封若不闕秦將焉取之闕秦以
利晉唯君圖之秦伯說與鄭人盟使杞子逢孫楊孫戍之乃還子
犯請擊之公曰不可微夫人之力不及此因人之力而敝之不仁
失其所與不知以亂易整不武吾其還也亦去之

音註

①【晉侯】晉，姬姓，侯爵，晉侯，文公也。②【秦伯】秦，嬴姓，伯爵，秦伯，穆公

也。③【無禮於晉】文公出亡過鄭，鄭不禮之。④【函陵】鄭地，在今河南新鄭縣北

十三里。⑤【汜南】鄭地，在今河南中牟縣南。⑥【佚之狐】鄭大夫。⑦【鄭伯】文

公也。⑧【燭之武】鄭大夫。⑨【緄】謂懸城而下。⑩【執事】稱人之敬詞，指秦

言、①【越國二句】言秦欲得鄭以爲邊邑、則必越過晉國而難保、②【陪】益也、③【行李】謂使人、④【共】同供、⑤【嘗爲晉君賜】晉君、謂惠公也、穆公會納惠公於晉、⑥【焦瑕】晉河外五城之二邑名、⑦【朝濟句】謂背秦之速、朝方渡河、夕即築牆版以守二邑、⑧【封】疆界也、⑨【闕】猶削小之意、⑩【杞子逢孫楊孫戍之】三子皆秦大夫、反爲鄭守也、⑪【子犯】卽狐偃、晉文公之舅、⑫【微夫人之力二句】微、無也、夫人、謂秦穆公、言無穆公之納、不能爲晉侯、旣賴秦力得國、今反擊而敵之、是爲不仁、⑬【所與】謂秦相善、⑭【知】同智、⑮【以亂易整】二國之師本和整、苟自相攻擊、卽爲亂矣、

子產論尹何爲邑

襄公三十一年

左傳

子皮欲使尹何爲邑、^二子產曰、^三少未知可否、^四子皮曰、^五愿吾愛之、^六不吾叛也、^七使夫往而學焉、夫亦愈知治矣、子產曰、不可、人之愛人、求利之也、今吾子愛人、則以政、猶未能操刀而使割也、其傷實多、子之

起首便寫
子皮子產
之意見公
私不同爲
下發論地
步

子產連設
四喻以破
子皮之言
處處針鋒
相對
學後入政
是立論主
意
君子小人
以識言
卽借庇身
爲喻子皮
自是解人
通篇多設
喻語此種
文最能開
人智慧
能爲鄭國
明贊子產
而子皮之

愛人傷之而已其誰敢求愛於子子於鄭國棟也棟折懷崩僑將
厭焉敢不盡言子有美錦不使人學製焉大官大邑身之所庇也
而使學者製焉其爲美錦不亦多乎僑聞學而後入政未聞以政
學者也若果行此必有所害譬如田獵射御貫則能獲禽若未嘗
登車射御則敗績厭覆是懼何暇思獲子皮曰善哉虎不敏吾聞
君子務知大者遠者小人務知小者近者我小人也衣服附在吾
身我知而愼之大官大邑所以庇身也我遠而慢之微子之言吾
不知也他日我曰子爲鄭國我爲吾家以庇焉其可也今而後知
不足自今請雖吾家聽子而行子產曰人心不同如其面焉吾豈
敢謂子面如吾面乎抑心所謂危亦以告也子皮以爲忠故委政

從善如流
於言外得
之

焉。子產是以能爲鄭國。

音註

○【子皮】即罕虎、鄭上卿、○【尹何】鄭人、○【爲邑】使爲邑大夫、○【子

產】即公孫僑、鄭大夫、○【少】去聲、謂尹何年少也、○【愿】謹善也、○【不吾叛

也】〔疏引劉炫說〕叛、違也、欲令子產不於我有違、得使尹何爲邑也、○【夫】指尹

何、○【則以政】使之爲政、○【其傷實多】言未能操刀而使之宰割、其自傷必多、愛

之適以害之、○【榱】椽也、○【僑將厭焉】僑、子產名、厭同壓、謂傾覆必將及己

也、○【製】裁也、○【其爲美錦二句】言官邑之重、多於美錦、○【賁】同慣、習

也、○【敗績】謂敗事也、○【虎不敏】虎、子皮名、不敏、猶不才也、○【慢】易

也、○【微】無也、○【不足】自知謀慮不足治其家、○【委政】以鄭國之政、屬之

子產、○【能爲鄭國】言子產能治鄭國之政、子皮力也、

子產論政寬猛

昭公二十年

左傳

鄭子產有疾。謂子大叔曰。我死。子必爲政。唯有德者能以寬服民。其次莫如猛。夫火烈。民望而畏之。故鮮死焉。水懦弱。民狎而翫之。

特提有德
者看高寬
字非婦人

之仁比并
伏下難字
太叔之不
忍非子產
所謂寬也
仲尼稱善
子產語本
應列在子
產言下今
先敘太叔
爲政一段
以見兩人
政見優劣
其效立呈
而敘事亦
得貫串一
氣
引詩四層
乃分證寬
猛相濟而

則多死焉。故寬難。疾數月而卒。大叔爲政。不忍猛而寬。鄭國多盜。
取人於萑苻之澤。大叔悔之。曰。我早從夫子。不及此。興徒兵以攻。
萑苻之盜。盡殺之。盜少止。仲尼曰。善哉。政寬則民慢慢。則糾之以
猛。猛則民殘殘。則施之以寬。寬以濟猛。猛以濟寬。政是以和。詩曰。
民亦勞之。汔可小康。惠此中國。以綏四方。施之以寬也。毋從詭隨。
以謹無良。式遏寇虐。慘不畏明。糾之以猛也。柔遠能邇。以定我王。
平之以和也。又曰。不競不綏。不剛不柔。布政優優。百祿是遒。和之
至也。及子產卒。仲尼聞之。出涕曰。古之遺愛也。

音註

①【子大叔】即游吉。鄭大夫。大與太通。②【狎而翫之】翫音玩。謂輕易而玩

忽之也。③【取人於萑苻之澤】萑苻。音桓蒲。澤名。取人。劫人之財也。④【夫子】稱
產。⑤【徒兵】步兵也。⑥【盜少止】謂鄭國餘處之盜。由此少止也。⑦【糾】攝

歸於和
遺愛一歎
正揭出子
產用猛之
心可稱千
古知己

先闡明書
法再提莊
公圍宋案
情

也、⑧【民亦勞之四句】見「詩大雅民勞篇」、汔、幾也、康綏、皆安也、惠、愛也、周厲王暴虐、民勞於苛政、故詩人刺之、欲其施之以寬也、⑨【毋從詭隨四句】「見同上」、從與縱同、詭人隨人、心不正者、謹、勅慎也、遏、止也、慘、曾也、言爲寇虐曾不畏明法者、亦當用猛政糾治之、⑩【柔遠能邇二句】「見同上」、柔、安也、言遠者懷附、近者各以能進、則王室定矣、⑪【不競不綏四句】「見詩商頌長發篇」、競、逐也、綏、音求、急也、優優、和也、適、聚也、謂湯政得中和、剛柔相濟、故百福聚而歸之、⑫【遺愛】謂子產之愛民、有古之遺風、

宋人及楚人平

宣公十五年

公羊傳

外平不書。此何以書。大其平乎已也。何大其平乎已。莊公圍宋。軍有七日之糧。爾盡此不勝。將去而歸。爾於是使司馬子反乘堙而闚宋城。宋華元亦乘堙而出見之。司馬子反曰。子之國何如。華元曰。憊矣。曰。何如。曰。易子而食之。析骸而炊之。司馬子反曰。嘻。甚矣。

只說所以吐情之故但人孰不欲以君子自居子反之吐情適墮其術中耳
子反與莊王問答語復用前文
妙
篇中三用雖然作轉筆而意則各自不同不可圖讀過再用複筆反襯

憊雖然吾聞之也。圍者柑馬而秣之。使肥者應客。是何子之情也。
華元曰。吾聞君子見人之厄則矜之。小人見人之厄則幸之。吾見
子之君子也。是以告情於子也。司馬子反曰。諾。勉之矣。吾軍有七
日之糧。爾盡此不勝。將去而歸。爾揖而去之。反於莊王。莊王曰。何
如。司馬子反曰。憊矣。曰。何如。曰。易子而食之。析骸而炊之。莊王曰。
嘻。甚矣。憊雖然。吾今取此。然後而歸。爾。司馬子反曰。不可。臣已告
之矣。軍有七日之糧。爾。莊王怒曰。吾使子往視之。子曷爲告之。司
馬子反曰。以區區之宋。猶有不欺人之臣。可以楚而無乎。是以告
之也。莊王曰。諾。舍而止。雖然。吾猶取此。然後歸。爾。司馬子反曰。然
則君請處於此。臣請歸。爾。莊王曰。子去我而歸。吾孰與處於此。吾

一路寫來
平乎己三
字始有著
落
以洗發經
義作結

亦從子而歸爾引師而去之故君子大其平乎己也此皆大夫也。
其稱人何貶曷爲貶平者在下也。

音註

①【外平不書】外平者，他國與他國平也，非關魯事，故不書。②【大其平乎

己】己，指宋華元楚子反二大夫言，大者，大其有仁恩也。③【莊公】楚君，名旅。④

【司馬】官名。⑤【子反】即公子側。⑥【乘堙】乘，登也，堙音因，土山也。⑦【華元】宋

大夫。⑧【憊】音備，疲極也。⑨【析骸】析，分也，骸，人骨也。⑩【柑馬而秣之】柑

與鉗同，秣，飼也，以木銜馬口而置粟口中，使馬不得食，以示有積糧也。⑪【使肥者應

客】示糧足也。⑫【是何子之情】猶曰何大露情，情，實也。⑬【矜】憐也。⑭【勉

之矣】使勉力堅守之。⑮【反於莊王】謂歸報於莊王。⑯【舍而止】命築舍處此，示

無去意。⑰【雖然】謂雖已知我糧短。⑱【其稱人何】謂子反華元皆大夫，何以稱

人。⑲【貶】罪之也，春秋以一字爲褒貶。⑳【在下】指二大夫，罪其專事，不歸美

於君也。

虞師晉師滅夏陽 僖公二年

穀梁傳

就書先晉
推闡經義
斷定夏陽
之滅虞爲
主爲下文
貪賄張本

此段寫晉
君臣商量
假道事層
層推勘算
無遺策可
爲貪利者
之殷鑒

且夫數句
如見虞公
肺腑筆亦
酣暢淋漓

非國而曰滅重夏陽也。虞無師。其曰師何也。以其先晉不可以不
言師也。其先晉何也。爲主乎滅夏陽也。夏陽者。虞虢之塞邑也。滅
夏陽而虞虢舉矣。虞之爲主乎滅夏陽何也。晉獻公欲伐虢。荀息
曰。君何不以屈產之乘。垂棘之璧。而借道乎虞也。公曰。此晉國之
寶也。如受吾幣。而不借吾道。則如之何。荀息曰。此小國之所以事
大國也。彼不借吾道。必不敢受吾幣。如受吾幣。而借吾道。則是我
取之中府而藏之外府。取之中廐而置之外廐也。公曰。宮之奇存
焉。必不使受之也。荀息曰。宮之奇之爲人也。達心而懦。又少長於
君。達心則其言略。懦則不能強諫。少長於君則君輕之。且夫玩好
在耳目之前。而患在一國之後。此中知以上。乃能慮之。臣料虞君

寫宮之奇
只此已足
末段數語
關合前文
章法完密
結語尤趣

中知以下也。公遂借道而伐虢。宮之奇諫曰：「晉國之使者，其辭卑而幣重，必不便於虞。虞公弗聽，遂受其幣而借之道。宮之奇又諫曰：『語曰：^{十六}唇亡則齒寒，其斯之謂與？』挈其妻子以奔曹。獻公亡虢五年，而後舉虞。荀息牽馬操璧而前曰：『璧則猶是也，而馬齒加長矣。』」^{十七}

音註

①【夏陽】虢邑，即今山西平陸縣。②【虞無師】虞未嘗出師也。③【先晉】虞言師

者，表其先晉有滅虢心也。④【為主乎滅夏陽】主動滅夏陽者實晉，今以歸之虞者，以

其貪賄故也。⑤【虞虢之塞邑】武王封仲雍之後於虞，即今山西平陸縣之虞城，封虢

仲之後於虢，即今山西之平陸縣、塞邑，謂險要之地也。⑥【舉】猶拔也。滅夏陽則虞

虢自此拔矣。⑦【獻公】名詭諸，文公之父。⑧【荀息】即荀叔，晉大夫。⑨【屈產

之乘】屈，地名，謂屈地產出之良馬。⑩【垂棘之璧】垂棘，地名，謂垂棘所生之美

玉。⑪【宮之奇】虞之賢大夫。⑫【達心而懦】言心雖明達而處事則懦弱也。⑬【少

長於君】謂自少生長君處。⑭【玩好】指馬與璧。⑮【一國之後】謂在虢之後。⑯